

DIASABRA 2 NOVEMBER 2019

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

🌐 www.diario.aw

1,75 FLORIN

STATEN

**Presupuesto
2020 mester
a wordo
entrega caba**

Minister di Husticia, SEPPA, TOPA y STA a firma dos landsbesluit referente na KIA y WNC



ORANJESTAD (AAN): Diabierna Minister di Husticia mr. Andin Bikker a anuncia e firmamento di dos Landsbesluit. Uno ta referi na KIA y e otro tocante e nacemento di un dienst nobo cu ta Warda Nos Costa.

E dignatario a cuminsa expresando cu esaki ta un dia historico, y a gradici e sindicatonan SEPPA y TOPA, cu varios siman a sinta diligentemente pa traha riba e conceptonan, y wak con nan por a acomoda e deseo y recomendacionnan di e sindicatonan respectivo.

Tocante e Dienst nobo Warda Nos Costa, a splica cu esaki tambe ta historico, pasobra esnan cu tin basta aña trahando na WNC a expresa nan deseo di no ta un afdeling mas, pero nan kier ta Dienst riba nan mes.

E deseo aki ta bay bira un realidad, y un bez mas e

sindicatonan SEPPA, TOPA y den e caso aki tambe STA a representa nan miembronan dignamente.

Minister Bikker a splica kico ta e embergadura positivo di e dos landsbesluitnan aki. E mandatario a bisa cu den ambos caso tabata tin “inspraak” pa conoce kico ta e intencionnan di e miembronan di e sindicatonan concerni. Tocante KIA, con nan kier mira nan organizacion ya cu nan ta traha eynan diariamente, con nan deseonan ta y con esakinan por wordo refleha mas tanto posible den e plan formativo, etc.

Fuera di esaki nan expectativanan tocante nan posicion huridico, etc. Esaki ta algo democratico cu a tuma lugar, e dignatario a subraya, cu e ta bay ta cu forza retroactivo for di 1 Januari 2017.

Tocante Warda Nos Costa,

esaki ta bira un dienst riba su mes cu su propio presupuesto, den cuadro di e retonan cu Aruba ta experencia, entre otro e situacion preocupante di Venezuela. Esaki ta haci cu WNC ta bay den un dimension nobo, y cu esaki gobierno ta cumpliendo cu e deseonan di e trahadornan pa hopi aña, pero tambe e organizacion ta haya un status profesional aworaki.

“Manera ta conoci, Hulanda a pone fondonan substancial pa reforza Aruba su fronteranan, y den esaki WNC cu Schiphol model y e ley cu a introduci desde dia 3 di Juli ultimo, tin un rol hopi substancial, importante y crucial pa desplega den esaki”. Minister Bikker a firma e respectivo landsbesluitnan cu Gobernador a firma, y cu el a formaliza cu e sindicatonan.